

Was aber die aspect für natur vñ wieckung haben/meyn-  
ich hie nit not sein zusagen/vnd das magstu von allen plas-  
neten versteen.

## Wie man den grad der Revolution

der jar/eyner Natiuitet/eyns gepews od  
eyns andern dings das ein anfang  
hat/vinden soll.

### Das xxxij Capitel.

*De revolu-  
tione anni.*



Ines Jars Revolution/ ist die widerkunfft der  
Sonnen in den punct des Thyercreys/ darinn  
sy gewesen ist im anfang des jars.

Aber die Revolutz der jar der welt/ ist der ein-  
gang der Sonnen in die ersten minut des widers

Die Revolutz eyner Natiuitet/ ist der eingang der Sonne  
in disen grad des Tyercreys/ in wellichem sy gewesen ist zu  
der zeit do das kind geporn ist.

Also hastu auch zu mercke das die Revolutz eynes gepews  
ist der eingang der sonnen in disen grad/ darinn sye gewesen  
ist do man den ersten steyn gelegt hat.

Zu lest so ist die Revolutz des Ascendenten nichts anderst  
dann das man findet den aufsteigenden grad im thyercreis  
welcher gefunden wirdt do d'horizont den thyercreys berürt  
Wann die Revolutz der jar der welt od eyner Natiuitet oder  
eins andern dings ausgericht ist.

So du begerst in eynem jar zu wissen den grad d' Revolutz  
der jar der welt/ verstee das aufsteygend zeychen zu der zeyt  
des eingangs der sonnen in anfang des widers.

Lerne zum ersten den eyngang der sonnen in den wider vff  
ein jar das dir bekant ist/ als nemlich/ do man von der ges-  
burt Christi hat 1518. gezalt/ am 10. tag des Wergen 15. stund  
8. minuten nach mittag/ ist die sonn eingangen in das erst

*1.  
Revolucio  
natiuita-  
tis nati.*

*Revolucio  
edificiorū.*

*Revolucio  
ascendentis.*

